

涅槃十千佛所瞻禮聽法所有現在未來世
中見佛聽法亦復如是當得不退轉於阿耨
多羅三藐三菩提世世所生千劫之中皆於
生死近證阿耨多羅三藐三菩提果

迦葉若有住菩薩乘諸善男子及善女人聞
是定最上吉祥如來應供正等正覺名號能

稱念受持者是人於彼如是行相所求皆得

復次迦葉東方去此佛刹過六瓊伽沙數等

世界有世界名寶莊嚴其土有佛號寶輪光

明高勝吉祥王如來應供正等正覺今現住

彼教化利益迦葉若有住菩薩乘諸善男子

及善女人聞是寶輪光明高勝吉祥王如來

應供正等正覺名號能稱念受持者是人轉

生得宿命智有念有慧諸相圓滿當得成就

信順之語獲得無斷語言辯才迦葉是人能

於天人世間一切辯才之中不為他所退怯

間斷常得語言辯才無斷又善男子及善女

人若能稱念彼佛名者是人聽法之時得佛

漢六

六

聖相為現其前若於諸法昔所未聞隨所受
學即時獲得無邊俱胝那度多百千隨轉陀
羅尼又此閻浮提中一切有情隨所樂求而
悉能知然後如其信解善為說法當得不退
轉於阿耨多羅三藐三菩提阿僧祇俱胝那
度多百千劫中皆於生死而能攝集無量福

蘊

佛說大乘大方廣佛冠經卷上

佛說大乘大方廣佛冠經卷下

西天譯經三藏聖教太子師釋尊門戶護法等奉譯

復次迦葉南方去此佛刹過三十千世界有

世界名悅意聲彼土有佛號無邊步跡如來

應供正等正覺今現住彼教化利益

迦葉若有住菩薩乘諸善男子及善女人聞

彼無邊步跡如來應供正等正覺名號能稱

念受持者是人轉生得宿命智獲得月輪清

淨菩薩三摩地住是三摩地已所有東方瓊

伽沙數等諸佛世尊親得瞻覩如是南西北
方四維上下普徧十方彼一一方所有瓊伽
沙數等諸佛世尊悉得瞻覩而於彼彼佛世
尊所聽受說法皆能解了常得值遇諸佛出
世於一切時不暫捨離諸佛世尊乃至證成
菩提畢竟邊際永得不退轉於阿耨多羅三

漢六

七

藐三菩提三十五劫中皆於生死而能攝
集無量福蘊

復次迦葉南方去此佛刹過三十五世界有
世界名妙香最上香彼土有佛號無邊香最
上王如來應供正等正覺今現住彼教化利益
迦葉彼無邊香最上王如來往昔修行菩薩
道時發大誓願願我當來得成佛時若有住
菩薩乘諸善男子及善女人聞我名號能稱
念受持者是人獲彼多種功德所謂於一切
處在在所生得宿命智梵行圓滿具三十二
大丈夫相莊嚴其身又復餘佛刹中蒙光照
觸者皆悉來集我為彼等圓滿一切菩提勝

行又復若此大地大火充滿普徧燒然火燒
然已大地出現種種珍寶諸來求者而周給
之然彼一切亦無別分差動之相當得不退
轉於阿耨多羅三藐三菩提三十劫中皆
於生死而能攝集無量福蘊

復次迦葉南方去此佛刹過一瓊伽沙數等

世界此下合有世界之名梵本元闕彼土有佛號寶上如來

應供正等正覺今現住彼教化利益

迦葉若有住菩薩乘諸善男子及善女人聞
彼寶上如來應供正等正覺名號能稱念受
持者是人轉生得宿命智又復當生在母胎
中即得見佛彼佛勸讚作如是言善男子汝
當成熟阿耨多羅三藐三菩提故速出母胎
千劫之中皆於生死而能攝集無量福蘊
復次迦葉西方去此佛刹過三瓊伽沙數等
世界有世界名不知徧知彼土有佛號太光
明照如來應供正等正覺今現住彼教化利益
迦葉若有住菩薩乘諸善男子及善女人聞

彼大光明照如來應供正等正覺名號能稱念受持者是人轉生得宿命智獲得日輪光明最上三摩地住是三摩地已得見苑伽沙數等諸佛世尊如無能勝等諸大菩薩所有功德亦同稱讚是人功德

迦葉又若女人在母胎中得聞彼如來名者

漢六

是人後生不復成彼女人之相此報終已當成男子何以故為由得聞如是大神通大威德如來名號能受持故

今時世尊即說頌曰

若有女人處母胎 聞佛大僊勝名號
是人轉此女身已 當成有智之男子

證成無上大菩提 利益一切衆生類

能於天上及人間 普為衆生作趣向

復次迦葉若有住菩薩乘諸善男子及善女人聞彼如來名號能稱念受持者是人阿僧祇劫中皆於生死而能攝集無量福蘊近證阿耨多羅三藐三菩提果

復次迦葉北方去此佛刹過四十千世界有世界名有寶彼土有佛號寶開花普耀吉祥如來應供正等正覺今現住彼教化利益迦葉若有住菩薩乘諸善男子及善女人聞彼寶開花普耀吉祥如來應供正等正覺名號能稱念受持者是人轉生得宿命智獲得

寶月菩薩三摩地住是三摩地已能解一切衆生語言音聲得佛加持無礙語言辯才成就若有衆生樂求見彼住虛空中宣說諸法是人即時隨意能現又此閻浮提中一切衆生隨有樂求所出音聲是人各各悉能了知又若此三千大千世界一切衆生隨有樂求

漢六

九

所出音聲諸言說等是人悉知其信解各為說法當得不退轉於阿耨多羅三藐三菩提六十千劫中皆於生死

復次迦葉東方去此佛刹過六十千世界有世界名衆寶彼土有佛號曰寶藏如來應供正等正覺今現住彼教化利益

迦葉若有住菩薩乘諸善男子及善女人聞
彼寶藏如來應供正等正覺名號能稱念受
持者是人轉生得宿命智當得成就七覺支法
復次迦葉東方去此佛刹過阿僧祇世界有
世界名寶耀彼土有佛號曰寶勝如來應供
正等正覺今現住彼說法教化

迦葉若有住菩薩乘諸善男子及善女人聞
彼寶勝如來應供正等正覺名號能稱念受
持者是人能生多種福蘊

迦葉正使住菩薩乘諸善男子及善女人廣
集珍寶其積量如須彌山王以如是相行於
布施廣大奉獻諸佛世尊如是行施經俱胝
那度多百千歲中曾無間斷又若有人聞彼
寶勝如來應供正等正覺名號能稱念受持
者前之布施無量功德比是功德百分不及
一千分不及一百千分不及一阿僧祇分不
及一算分喻分皆不及一
尔時世尊說伽陀曰

所有東方諸佛刹 南方西方及北方
諸方現住諸世尊 光照衆生作利益
若時非時悉應知 晝夜常起尊重想
合掌虔恭發至誠 信禮最上人中勝
何能知名而表了 意想禮奉人中尊
所謂於其千劫中 極難得值佛出世

若欲恭敬於諸佛 爲求無上菩提者
聞佛所說諸佛名 應當於彼常歸命
我今無復諸所求 唯求佛智中出生
於彼所得衆善根 迴向佛智不思議
若人欲供於諸佛 佛不思議常作意
彼諸佛名得聞已 當爲他人廣宣說

十末

欲令俱胝衆生類 出離三有得解脫
彼諸佛名得聞已 受持不復生人間
欲令俱胝諸佛刹 能以足指而震動
彼諸佛名得聞已 受持廣爲多人說
若曾供養於諸佛 彼聞佛名得受持
非一非二十生 此即多生種善本

若聞佛名能受持 若以河沙金寶施
較量受持佛名人 福蘊百分不及一
若聞佛名受持者 當得最上人身相
妙色端嚴處世間 出家堪受人天供
佛說此經已彼諸苾芻諸大菩薩摩訶薩衆
尊者大迦葉并諸世間天人阿脩羅乾闥婆
等聞佛所說皆大歡喜信受奉行

佛說大乘大方廣佛冠經卷下

溪六